

ՄՈՌԱՅՎԱԾ ՍԵՐ

Սիրում էի երբեմնն քեզ...
Այժրմ ևս տակավին
Իմ սրտումը դու ապրում ես,
Բայց ոչ ուժով քո նախկին:

5 Առաջ հընչում էիր մաքուր,
Որպես աղոթք իմ հոգում,
Որպես սիրո նախանձ ու հուր՝
Տաք արյունն բորբոքում:

Այժմ՝ որպես վաղուց մեռած
10 Բարեկամի հիշատակ,
Կամ մանկության օրով սիրած
Մի հին երգի եղանակ...

Եվ անունըդ այժմ տալիս,
էլ «հոգյակ» չեմ ես ասում,
15 Չեմ աշխատում քուն մտնելիս,
Որ քեզ տեսնեմ երազում:

Բայց զարմանքով երբեմնապես
Մտածում եմ ականա,
Ինչո՞ւ էլ դու սիրելի չես,
20 Ինչո՞ւ ես քեզ մոռացա...